


Ho Oa



SABATHA MANTSIBOEA

Bakeng sa Thuto ea Beke ena Bala: *Genese 3; 2 Bakori. 11:3; Tsen. 12:7-9; Johanne 8:44; Baro. 16:20; Baheb. 2:14; 1 Timot. 2:14, 15.*

Temana ea Khopolo: “ ‘Ke tla bea hloeano mahareng a hao le mosali, le mahareng a peo ea hao le peo ea hae; peo eo e tla u khoba hlooho, ’me u tla e loma serethe’ ” (*Genese 3:15*).

Hara sohle seo Molimo oa rona a neng a se file batsoali ba pele serapeng sa Edene, ho tlike le tlhokomeliso ena: “ ‘Haele lifate tsohle tsa tšimo, u tla lija, empa ha e le sefate sa tsebo ea botle le bobbe, u se ke oa se ja, hobane mohla u se jang, u tla shoa.’ ” (*Gen. 2:16, 17*). Tlhokomeliso ena ea ho se je sefate sa tsebo ea botle le bobbe (*Gen. 2:16, 17*) e bontša hore, leha ba ne ba lokela ho tseba botle, ba ne ba sa lokela ho tseba bobbe.

Re ka utloisisa hantle hore na hobaneng, na haho joalo?

Hape-hape, tšoso ea lefu e kenyelelitsoeng temosong ea se mamele (*Gen. 2:17*) e tla phethala: ba tla shoa (*Gen. 3:19*). Eseng feela hore ba thibetsoe ho ja sefate, ba bile ba lelekoa ka jareteng Edene (*Gen. 3:24*), eaba joale ha ba sa ba le kabelo ho se neng se ka ba etsa betsalibe ba ka ho sa feleng (*Gen. 3:22*).

Leha ho le joalo, hara koluoa ena ho hlahella tšepo, e fumanoang ho Genese 3:15, e bitsoang evangeli motheo oa evangeli, kapa “tšepiso ea pele ea evangeli.” E, temana ena e fana ka tšepiso ea pele ea evangeli e fumanoang ka Bibeleng, khetlo la pele batho ba bolelloa hore, leha ba oele, Molimo o entse tsela hore kaofela ha rona re pholohe.

**Ihute thuto ea beke ena ho lokisetsa Sabatha sa la 9 'Mesa.*

Noha

Bala Genese 3:1, 2 Bakorinthe 11:3, le Tsenolo 12:7–9. Noha ke mang, e thetsa Eva joang?

Temana e latelang e qala ka “noha.” Popheho ea poleloana ena e bontša ho toboketsa taba: lentsoe “noha” ke lona le qalang polelo. Hape, “noha” e na le ketella-pele leikemisa le qollang, ho bontša hore ntho’ena e tsejoa hantle, joalokaha e ka ’mali o se ntse a e tseba hore na ke efe. Ka hona, bo ’nete ba taba ena bo tiisoa lentsoeng la pele khaolong ena.

Ehlile, mangolo a supa noha e le sera sa Molimo (*Esa. 27:1*) ’me a e bitsa “Diabolose le Satane” (*Tsen. 12:9*). Ka ho tšoana, bochabela bo hare mehleng ea khale, noha e n’ e bontša matla a bobele.

“Ele hore a phethe mosebetsi oa hae a sa lemohuoe, satane o ile a khetha ho sebelisa noha—eleng boikhakanyo bo botle bakeng sa hore a fihlele sepheo sa hae sa ho thetsa. Noha e n’ e le e ’ngoe ea libupua tse bohlaele tse ntle ka ho fetisisa lefatšeng. E n’ e na le mapheo, ha e rura moeeng e n’ e phatsima, e na le ’mala oa gauta e tšekiloeng o motle hona hoo.”—Ellen G. White, *Bapateriareka le Baporofeta Prophets*, leq. 53.

Ha e buoa ka diabolose, ho sa natsoe hore na o hlaha ka sebopheho sefe, ha se hore Bible e sebelisa thehello feela. Mangolong Satane o hlaha e le sebopua sa ’nete eseng ele ho etsa tekanyo feela, kapa letšoao le sa tšoaheng le bontšang bokhopo kapa bobele ba batho.

Noha ha e itlhaise e le sera sa Molimo. Empa, noha e qotsa Lentsoe la Molimo, leo a le phetang joalokaha e ka o oa le tšehetsa. Ke hore, e sa le qalong fela, re ka bona hore satane o rata ho qotsa Molimo le hore, hamorao, o ile a bonoa a qotsa Lentsoe la Molimo hantle (*Matt. 4:6*).

Hape ela hloko hore noha ha e tatele ho etsa khang le mosali, empa e botsa potso e bontšang hore e lumela seo Molimo a se boleletseng mosali. Qetellong e ea botsa: “A efela Molimo o itse . . . ” (*Gen. 3:1*)? Ka hona e sale qalong fela re ka bona kamoo sebopua sena se leng bohlaele. ’Me joalokaha re tla bona, malepa a sebelitse.

Haeba Satane a ile a atleha ho thetsa Eva ea se nang sebe Edeneng, joale rona li sono ha ka kang? Tšireletso ea rona e kholo-khoho khahlanong le thetso tsa hae ke efe?

Tholoana e Thibetsoeng

Bala Genese 2:16, 17 le Genese 3:1–6 (*sheba le Johanne 8:44*). **Bapisa** mantsoe a taelo ea Molimo ho Adama le mantsoe a noha ho mosali. **Phapang** ke efe mantsoeng ao, 'me se boleloang ke lipolelo tsee ke sefe?

Ela hloko tsoano ea puisano ea Molimo le Adama (*Gen. 2:16, 17*) le puisano ea Eva le noha. Ekare noha e nkile sebaka sa Molimo hona hoo e tsebang ho mo feta. Sethathong, o ipotsetsa potso feela, eleng se bontšang hore, mohlomong, mosali h'a utloisisa na Molimo o itseng. E be kamora mona Satane o belaela le ho ba le khoao ka morero oa Molimo, ebile o oa mo hanyetsa.

Tlhaselo ea Satane e fupere ntlha tse peli, lefu le tsebo ea botle le bobele (*Gen. 2:17*), khahlanong le sena, Satane a re, ba keke ba shoa, eleng se neng se bolela hore batho ba phela ka ho sa feleng (*Gen. 3:4*). Leha Molimo a ne a thibetse Adama ho ja tholoana ena (*Gen. 2:17*), Satane o ila a ba khothaletsa ho ja tholoana kaha ho e ja ho ne ho tla etsa ba tšoane le Molimo (*Gen. 3:5*).

Khang tse peli tsa Satane, ho se shoe le ho tšoana le Molimo; e ile ea kholisa Eva hore a je tholoana. Ntho'e khathatsang ke hore hang ha mosali a etsa qeto ea ho se mamele Molimo 'me a ja tholoana e thibetsoeng, o ile a itšoara joalokaha e ka Molimo ha a sa le eo o se a nketsoe sebaka ke eena. Temana ea Bible e buoa ka phetoho ena ea semelo. Eva o sebelisa puo ea Molimo: kamoo Eva a boneng tholoana e thibetsoeng kateng, “a bona hore . . . se khahlisa mahlo” (*Gen. 3:6*), e re hopotsa kamoo Molimo a boneng tlhohleho ea hae kateng “a bona . . . hore e molemo” (*Gen. 1:4, j.j.*).

Liteko tsena tse peli, ea ho se shoe le ho tšoana le Molimo ke metso ea thuto ea ho se shoe e fumanoang Egepata ea khale le tumelong tsa Segerike. Taba-tabelo ea ho se shoe, eo ba neng ba lumela hore e ea halalela, e ile ea qobella batho bana ho boela ba batlana le maemo a halalelang hape-hape, ele hore (ba ne ba tšepa joalo) ba fumane ho se shoe. Ka sekhubu, tsela ena ea ho nahana e ile ea kenella Bakresteng ba Bajude, 'me e tsoetse tumelo ea hore moea ha o shoe, e teng le likerekeng tse ngata le kajeno.

Nahana ka litumelo tsohle tse teng kajeno tse rutang hore ha re shoe. Ke joang kutloisiso ea rona ea tlhaho ea motho le boemo ba bafu e li re fang tšireletso e matla khahlanong le thetso tse kotsi tsee?

Ho Ipata Pela Molimo

Bala Genese 3:7–13. Hobaneng Adama le Eva ba ile ba utloa ba hloka ho ipatela Molimo? Hobaneng Molimo a ile a botsa potso “u hokae na?” Adama le Eva ba ile ba leka ho buella boitšoarō ba bona joang?

Kamora hore ba etse sebe, Adama le Eva ba ile ba ikutloa ba le feela hobane ba ne ba lahlehetsoe ke liaparo tsa bona tsa khanya, tse neng li bontša boteng ba Molimo, (*sheba Lipe. 8:5, bapisa le Lipe. 104:1, 2*). Setšoantšo sa Molimo se ne se anngoe ke sebe. Leetsi “ba iketsetsa” poleloaneng ena “ba iketsetsa liaparo” (*Gen. 3:7*) ho fihlela ha joale e ne e sebelisitsoe ho Molimo feela (*Gen. 1:7, 16, 25, jj*). Ke hore ekare ba ile ba nka sebaka sa ’mopi nakong eo ba lekang ho pata sebe sa bona, eleng ketso eo Paulosi a reng ke ho beoa ea lokileng ka mesebetsi (*Baga. 2:16*).

Ha Molimo a fihla, o ba botsa potso seikarabi “ ‘u hokae na?’ ” (*Gen. 3:9*), eona potso eo Molimo a ileng a e botsa Kaine (*Gen. 4:9*). Ka ’nete Molimo o ne a tseba likarabo tsa lipotso tsena. Lipotso tsena li ne li botsoa molemong oa ea molato, ho ba thusa ho hlokomela seo ba se entseng, ha ka nako e tšoanang li tla boela li ba tataisetsa pakong le topollong. Molimo o ile a sebeletsa topollo le topollo ea batho hang feela hore ba etse sebe.

Haele hantle, taba ena kaofela e bontša taba ea kahlolo ea patlisiso, e qalang ka moahloli, ea botsang moqosuo (*Gen. 3:9*) ho mo lokisetsa kahlolo (*Gen. 3:14–19*). Empa o boetse o e etsetsa ho susumetsa pako, e tla isa topollong (*Gen. 3:15*). Sena ke sona sepheo se bonahalang hohle ka Bibeleng.

Pele, moetsalibe o etsa seo a tummeng ka sona, Adama le Eva ba leka ho qoba kahlolo, ba isa molato ho ba bang. Adama o araba potso ea Molimo ka hore ke mosali eo a mo filoeng ke Molimo (*Gen. 3:12*)—ke eena ea entseng hore a etse joalo. E n’ e le phoso ea mosali (eleng se bolelang hore, e ne boetse e le phoso ea Molimo), eseng eena.

Eva o araba ka hore ke noha e mo thetsing. Kutu-ketso ea Seheberu ‘*nasha*’, “thetsa” (*ho Gen. 3:13*), e bolela ho fa motho tebello eo eseng eona le ho etsa hore ba lumele hore seo ba se etsang se nepahetse (*2 Marena 19:10, Esa. 37:10, Jeremia 49:16*).

Adama o beha molato ho mosali, o re mosali o mo file tholoana (’netenyana e teng mona), e be Eva eena o beha molato ho noha, o re e mo thetsitse (’netenyana e teng le hona mona). Empa taba ke hore ba molato ba le babeli.

Ba leka ho beha molato mothong e mong ka seo ba se entseng? Hobaneng ho le bonolo ho rona ho oela lerabeng le tšoanang?

Lefu la Noha

“Ke tla bea hloeano mahareng a hao le mosali, le mahareng a peo ea hao le peo ea hae; peo eo e tla u khoba hlooho, 'me u tla e loma serethe.” (*Gen. 3:15*), **Molimo o itseng ho noha moo, 'me ke tšepo efe e phuthetsoeng ke temana ee?**

Molimo o qala kahlolo ea hae ka noha kaha ke eona e qalileng mofere-fere ona kaofela. Hape, noha ke eona e fuoang thohako tabeng ena.

Mona re fihlela se kang “phetoho” ea tlholeho. Ha tlholeho e tlisitse bophelo, kananelo ea botle le mahlohonolo, kahlolo e isa lefung, bobbe, le lithohako—empa hape tšepo le tšepiso ea topollo. Se qhoaelletsoeng setsoantšong sena se lerootho sa noha e khojuoeng e jang mobu (*Gen. 3:14*) ho phatsima tšepo ea topollo ea batho, e hlhang ka sebopeo sa boporofeta. Le pele ho kahlolo ea Adama le Eva, e ileng ea latela, Morena o ba fa tšepo ea ho pholoha (*Gen. 3:15*). Eepo ea moshoelella, tšepo ea ho pholoha.

Bapisa **Genese 3:15 le Baroma 16:20, Baheberu 2:14, le Tsenolo 12:17. Leano la topollo le toantšano e kholo li bonahatsoa joang litemaneng tsee?**

Holokomela ho tšoana pakeng tsa Genese 3:15 le Tsenolo 12:17: terakone (noha), e tletseng khalefo (bora); peo (bana); le mosali Edeneng le mosali oa Tsenolo 12:17. Ntoa (toantšano e kholo) e ileng ea lebisa Edeneng, ea tlisa ho oa, e tla tsoela pele ho fihlela pheletsoeng ea nako. Leha ho le joalo. Tšepiso ea hore satane o tla hloloha e ne se e fanoe Edene, ka hore o tla khojoa hlooho, taba e hlakang hantle ho Tšenolo, e bontšang timelo ea hae ea ho qetela (*Tsen. 20:10*). Ke hore, li sa tloha fela, batho ba ile ba fua tšepo ea hore ho tla ba le mokhoa oa ho tsoa hara hleke-hleke ena bakiloeng ke ho tseba botle le bobbe, tšepo eo bohle re ka bang le seabo ho eona hona joale.

Ke hobaneng ha ho khothatsa haholo ho bona hore, hona Edeneng, moo sebe le bokhopo bo lefatšeng li qalileng teng, Molimo o ile a phutholla leano la topollo hona teng?

Pheletso ea Batho

Bala **Genese 3:15–24. Ho ile hoa etsahalang ho Adama le Eva ka baka la ho oa?**

Leha kahlolo eo Molimo a e fang noha e bontšoa ka ho hlaka hore ke thohako (*Gen. 3:14*), kahlolo ea Molimo ho motho ha e joalo. Nako eo lentsoe “thohako” le sebelisoang hape le buoa ka “lefatše” feela (*Gen. 3:17*). Ke hore, Molimo o ne a e na le merero e meng ka monna le mosali, ho fapana le noha. Ba ile ba fuoa tšepo e sa fuoang noha.

Kaha sebe sa mosali se tla ka baka la ho amana le noha, temana e hlalolang kahlolo ea Molimo ho mosali e n’ e amana le kahlolo ea noha. Ha se feela hore Genese 3:16 e latela Genese 3:15 hang hang, tšoano ena e boporofeteng bona ka bobeli e hlakisa hantle hore boporofeta bo malebana le mosali ho Genese 3:16 bo tlameha ho baloa ho ipapisitsoe le boporofeta ba Mesia ho Genese 3:15. Kahlolo ea Molimo ho mosali, e akhang, ho beleha bana, e lokela ho utlouisisoa e fupere taba tse monate tsa topollo (*bapisa le 1 Timot. 2:14, 15*).

Kaha sebe sa monna se tšile ka hore e be o mametse mosali eseng Molimo, lefatše leo monna a ntšitsoeng ho lona le rohakehile (*Gen. 3:17*). Ka hona, monna o tla tlameha ho sebetsa ka thata (*Gen. 3:17–19*), e be o “khutlela” mobung oo a tsoang ho oona (*Gen. 3:19*), eleng se neng se sa lokela ho etsahala, sena ha e ea ka ea tloha e le leano la Molimo.

Ho bohlokoa hore hara taba tsena tse bohloko tse tla qetella ka lefu, Adama o retelehela ho mosali, moo teng a fumanang tšepo ea bophelo ka ho emara hoa hae (*Gen. 3:20*). Ke hore, le hara kahlolo ea lefu, o bona tšepo ea bophelo.

Ho sa le joalo, hantle joalokaha motsoali e mong le e mong ea ratang ngoana hae, Molimo o ne a ba batletse botle feela, eseng bobo. Empa joale kaha ba tseba bobo, Molimo o ne tla etsa sohle se matleng a hae ho ba lopolla ho bona. Ka hona le hara likahlolo tsena, ho ne ntse ho e na le tšepo bakeng sa batsoali ba rona ba pele, ho sa natsoe ho se mo mamele ho pepenene; le ha e le hore ba ne ba—feela ba phela paradeising—ba ne ba sena lebaka leha le le lenyenyane la ho se tšepo lentsoe la Molimo, ho se tšepo lentsoe la Molimo, kapa ho se tšepo lerato la hae ho bona.

Leha re na le ho nahana hore “tsebo” ke ntho’e ntle, ke hobaneng ese kamehla ho bang joalo? Tse ling tsa lintho tseo ho leng molemo ha re sa li tsebe ke life?

Nahanisisa ka Botebo: Nahana ka kamano e pakeng tsa “sefate sa bophelo” le “sefate sa tsebo ea botle le bobē.” Kamano ena e se e ntse e hlahisitsoe tabeng ea hore ka bobeli “li hara tšimo” (*Gen. 2:9*). Empa ho na le se seng hape ntle le kamano ea sebaka. Ke hobane batho ba jele tholoana ea sefate sa tsebo ea botle le bobē, hobane ha b’a mamela Molimo, joale ba lahlehela ke le ke sefate sa bophelo, hore ba se phele ka ho sa feleng, bonyane boemong bona ba boetsalibe. Kamano e na e supa motheo oa bohloko-hlokoa. Khetho tsa semoea le boitšoarō li na le khahlamelo bophelong ba nama, joalokaha salemone a ile a lemosa mora’ hae: “u seke oa lebala thuto tsa ka, pelo ea hao e ke e boloke likeletso tsa me; ’me u tla ekelletsoa ke tsona litšiu, le lilemo, le ho phela, le khotso” (*Liprov.3:1, 2*). Kamano ena e boetse e hlaha Jerusalemeng ea kamoso e leholimong, moo ho nang e sefate sa bophelo feela “mahareng a lepatlelo la motse” (*Tsen. 22:2*).

“Ha Molimo a ne a bopa Eva, o ile a etsa hore a se be moholo kapa monyenyanane ho monna, empa hore e be molekane oa hae nthong tsohle. Bobeli bona bo halalelang bo ne bo sa lokela ho ba le litaba-tabelo tse sa ameng e mong; empa leha ho le joale e mong le e mong o ne a ikhethile, a ikemetse, a e na le menahano le liketso tsa hae. Empa kamora sebe sa Eva, kaha ke eena ea lihutseng nthau, Jehova o ile a ’molella hore o tla busoa ke Adama. O ne a tlameha ho mamela monna oa hae, sena e n’e le karolo ea thohako. Thohako e entse hore bophelo ba mosali bo be boima bo be thata. Boholo boo Molimo a bo fileng monna bo sebelisitsoe hampe kaho bontša matla a senyekhe-nyekhe. Bohlale ba ka ho sa feleng bo ile ba tla leano la topollo, le behang batho monyetleng oa bobeli, ka ho ba fa kahlolo e ’ngoe.”—Ellen G. White, *Testimonies for the Church*, vol. 3, leq. 484.

Lipotso tsa ho Qoqa:

- ❶ **Molimo o ile a botsa Adama Edeneng, a ’motsa lipotso, eseng feela hore a ipone hore o phoso, empa leho mo tataisetsa pakong. Leano lena le boetse le bonoa ho Kaine (*Gen. 4:9, 10*), moroallo (*Gen. 6:5–8*), Tora ea Babele (*Gen. 11:5*), le Sodoma le Gomora (*Gen. 18:21*). Taba ea kahlolo ea patlisiso e bonahatsoa joang ketsahalong tsee?**
- ❷ **Hobaneng ha Eva a ile a nahana hore o ja sefate sa tsebo ea botle le bobē ho tla etsa a be bohlale? Rona, mehleng ena ea rona, ke joang re ka qobang ho etsa phoso e tsoanang, ke hore, ho nyelisa Lentsoe la Molimo pepenene ka tšepo ea “se betere” ho e na le seo Molimo a re fileng sona?**